



**BOSNA I HERCEGOVINA**  
**VIJEĆE MINISTARA**  
*Generalno tajništvo*

Broj: 05-50-1-2290/13  
Sarajevo, 12.9.2013. godine

**BOSNA I HERCEGOVINA**  
**PARLAMENTARNA SKUPŠTINA BOSNE I HERCEGOVINE**  
**SARAJEVO**

PRIMLJENO: 13.09.2013			
Organizaciona jedinica	Klasifikaciona oznaka	Redni broj	Broj
01-50-1-15-50/13			

**PARLAMENTARNA SKUPŠTINA BiH**

*- Zastupnički dom -*

**SARAJEVO**

**PREDMET:** Odgovor na zastupnička pitanja – dostavlja se

Vijeće ministara Bosne i Hercegovine, na 63. sjednici održanoj 11.9.2013. godine, utvrdilo je Odgovor na zastupnička pitanja koja je postavio Salko Sokolović, zastupnik u Zastupničkom domu Parlamentarne skupštine Bosne i Hercegovine.

U privitku prosljeđujemo Odgovor radi njegovog dostavljanja zastupniku.

S poštovanjem,

**GENERALNI TAJNIK**  
*Zvonimir Kutleša*



**BOSNA I HERCEGOVINA**  
**VIJEĆE MINISTARA**

Broj: 05-50-1-2290/13  
Sarajevo, 11.9.2013. godine

Salko Sokolović, poslanik u Predstavničkom domu Parlamentarne skupštine Bosne i Hercegovine, na 50. sjednici Predstavničkog doma održanoj 18. jula 2013.godine, postavio je sljedeća poslanička pitanja:

- „ 1. Da li ste predložili Savjetu ministara formiranje Interresorne radne grupe?
2. Da li je Interresorna radna grupa izradila nacрте novih Zakona o hrani, Zakona o veterinarstvu i Zakona o poljoprivredi i ruralnom razvoju?
3. Kada će predmetni zakoni biti razmatrani i potvrđeni od strane Vijeća ministara odnosno, kada će biti dostavljeni u Parlamentarnu skupštinu BiH, a evo sad dodajem, ne po hitnom postupku?“

Na postavljeno pitanje, Savjet ministara Bosne i Hercegovine je na **63.** sjednici održanoj **11.9.2013.** godine, utvrdio sljedeći

**ODGOVOR**

Tokom septembra 2012. godine Ministarstvo spoljne trgovine i ekonomskih odnosa Bosne i Hercegovine predložilo je Savjetu ministara Bosne i Hercegovine:

1. Da Savjet ministara BiH razmotri i prihvati informaciju Ministarstva spoljne trgovine i ekonomskih odnosa o neophodnosti izmjene seta zakona iz oblasti poljoprivrede, bezbjednosti hrane, veterinarstva i fitosanitarne oblasti.
2. Da Savjet ministara BiH naloži formiranje Interresorne radne grupe za izmjenu zakonodavstva iz oblasti poljoprivrede, bezbjednosti hrane, veterinarstva i fitosanitarne oblasti.

Razmatrajući date prijedloge, Savjet ministara Bosne i Hercegovine je donio zaključak da Ministarstvo spoljne trgovine i ekonomskih odnosa formira Interresornu radnu grupu za izradu prijedloga izmjene i dopune Zakona o hrani, Zakona o veterinarstvu i Zakona o poljoprivredi, ishrani i ruralnom razvoju Bosne i Hercegovine kojima će se riješiti neusaglašenosti u navedenim zakonima, te kroz

izmjene i dopune uspostaviti sistem tzv. „komandnog lanca“ adekvatan evropskom zakonodavstvu, koji bi omogućio izvoz hrane životinjskog porijekla u EU.

Ministarstvo spoljne trgovine i ekonomskih odnosa izvršilo je sve aktivnosti u cilju uspostavljanja Interresorne radne grupe.

U skladu sa zaključkom Savjeta ministara BiH, ministar spoljne trgovine i ekonomskih odnosa donio je Odluku o formiranju Interresorne radne grupe za pripremu predloga izmjena i dopuna Zakona o hrani, Zakona o veterinarstvu u Bosni i Hercegovini i Zakona o poljoprivredi, ishrani i ruralnom razvoju BiH. Ovom odlukom utvrđeno je uspostavljanje Interresorne radne grupe uz imenovane članove nadležnih institucija na državnom i entitetskom nivou i nivou Brčko distrikta BiH, propisani su zadaci i rok izvršenja istih.

Interresorna radna grupa za pripremu predloga izmjena i dopuna Zakona o hrani, Zakona o veterinarstvu u Bosni i Hercegovini i Zakona o poljoprivredi, ishrani i ruralnom razvoju BiH uradila je potrebne izmjene i dopune Zakona o hrani, dok su izmjene i dopune Zakona o veterinarstvu BiH su u toku.

Nakon završetka rada na izmjenama i dopunama Zakona o veterinarstvu, Interresorna radna grupa će odmah pristupiti izmjenama i dopunama Zakona o poljoprivredi, ishrani i ruralnom razvoju BiH koje su manjeg obima.

Prema zaključku Savjeta ministara Bosne i Hercegovine, sva tri Nacrta zakona će istovremeno biti upućena na razmatranje i usvajanje Savjetu ministara BiH, a potom i Parlamentarnoj skupštini BiH, poštujući postupak propisan važećom legislativom u Bosni i Hercegovini.

Nacrt izmjena i dopuna zakona o hrani, zakona o veterinarstvu BiH i zakona o poljoprivredi, ishrani i ruralnom razvoju BiH će nakon završene procedure dostavljanja mišljenja od svih nadležnih institucija na predložene tekstove Nacrta biti upućeni na razmatranje i usvajanje Savjetu ministara BiH.